

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

Paragraphvs II. De Vacatione per mortem naturalem.

[urn:nbn:de:hbz:466:1-74494](#)

Dicitur vacare in partibus, & non in curia; quia in loco, in quo est procurator & mulier, est mutuus consensus, & ibi sit matrimonium, & sic perficitur vacatio, ac consequenter, si matrimonium sit contractum in mense Apostolico, intrabit reservatio regule 8. Gonz. cit. gl. 15. §. 2. n. 15. citans Vitalin. in clem. l. ut lite pend. n. 70.

6. Respondeo sexto: ibi contingit vacatio beneficii, ubi illud resignatur. Paris. l. 1. q. 4. nu. 50. dicens esse communem opinionem ab omnibus receptam, ac citans pro ea gl. in clem. l. ut lite pend. v. collatio. Vitalin. in clem. unica de renunc. nu. 40. Simonet. de reserv. c. 31. Rebuff. in p. 2. tit. forma signat. & plures alios Ratio est, quia quadam beneficium resignatum resignans dicitur mori ex loco, ubi facta resignatio, & ideo non attenditur locus, ubi resignans moritur, vel de beneficio litigat. Paris. ib. n. 51. citans C. Paris. conf. 10. n. 2. vol. 4. Unde jam si beneficii fuerint resignata coram Ordinariis, dicuntur vacate extra curiam in locis, ubi fit cesso. Paris. cit. n. 50. nisi forte fieret resignatio in manibus proprii Episcopi resignati forte praesentis in curia, tunc enim diceretur beneficii resignatum vacare in curia, etiam dum dicta resignatio fieret permutationis gratia. Gonz. gl. 13. nu. 43. citans Covarr. l. 3. par. c. 20. n. 9. secus iterum esset, si resignatio fieret coram Ordinario ultra duas dietas à curia; tunc enim diceretur vacare extra curiam, seu in partibus à pari illius, quod tradit Paris. l. 10. q. 6. n. 66. quod morienti beneficiario ultra duas dietas à curia non vacet beneficium in curia. Porro procedit responsio primaria, etiam si resignatio fiat per procuratorem, dicitur enim vacare beneficium, ubi facta est cesso per procuratorem. Paris. cit. nu. 50. citans Vitalin. ubi ante. Archid. inc. liceat. ut tit. pend. item l. 9. q. 14. n. 1. Garc. p. 5. c. 1. n. 75. sic, si beneficium existens partibus ab existente in partibus per procuratorem in curia Rom. resignetur, dicitur vacare in curia, & non in partibus, ubi constitutus procurator, seu confessum mandatum ad resignandum. Gonz. loc. cit. n. 11. citans Imol. in clem. l. ut lite pend. Paris. cit. q. 14. nu. 1. citans Rebuff. in pr. tit. de procurat. ad resign. n. 2. Fusc. de visit. l. 2. c. 21. C. Paris. conf. 10. num. 1. vol. 4. Bellam. de perm. rer. p. 8. q. 3. n. 8. Et cetera. Pari modo beneficia ex permutatione facta per procuratores vacant, non in loco, ubi constituti ad hoc procuratores, aut ubi domini constitutus morantur, sed in loco, ubi fit permutatio. Azor. p. 2. l. 7. c. 22. q. 15. ubi etiam quod contrarium sit dum amicus vel alias beneficium meum resignasset vel permutasset, & ego id deinde ratum habuisset, nempe vacare beneficium ibi, ubi istam resignationem ratam habeo.

7. Respondeo septimo: beneficia reservata per extray. ad regimen. de probab. inter communis, & per extray. exercitabilis. eod. tit. dicuntur vacare in curia. Gonz. gl. 13. nu. 46. & latius gl. 52. quin & omnia beneficia affecta seu reservata dicuntur vacare in curia. Gonz. §. 5. procem. n. 141. & cit. gl. 13. n. 46. citans Calder. conf. 9. in fine. de prob. Simonet. de reserv. q. 30. n. 4. Et n. de Falcon. de reserv. q. 4. in principio. effectu i. num. i. Et cetero, quid sit, & quæ beneficia dicuntur vacare apud Sedem vel in curia, & quod inter hac duo discrimen, dictum est alias: vide de hoc fusa Gonz. cit. gl. 13. ser. per tor. illud solum observa, & infer ex dictis, beneficia dici vacare apud Sedem seu in curia, non solum per obitum in illa, sed etiam quando ibi fit renuntiatio vel privatio, aut si ibi ali modi vacationis indu-

cuntur. Garc. p. 5. c. 1. n. 73. citans Simonet. de reserv. 28. n. 29. 30. & ibi Granut. Gamb. de off. leg. l. 3. n. 124.

8. Respondeo octavo: in dubio beneficium presumitur vacare in illo loco, in quo beneficiatus habebat domicilium; hinc si beneficium requirebat residentiam personalem, ibi presumitur vacasse, ubi beneficium consistebat: (quemadmodum enim maritus cum uxore habitare presumitur, c. 1. qui matrimon. accus. possunt ita clericus in Ecclesia sua residentiam facere presumendus est. c. ex tua. de cleric. non resid. & ibi Abb. Alciat. de presump. reg. 1. presump. 35. n. 1. Mascal. concil. 1277. n. 3. quos citat & sequitur Gonz. gl. 15. §. 2. n. 29. Et 30.) si vero residentiam non requirebat, presumitur vacatio contigisse in loco, in quo beneficiatus ordinariam habitationem habebat. Gonz. gl. 15. §. 2. n. 25. vacare enim beneficium, ubi persona moritur, ut dictum, presumitur autem quis mori, ubi degere solebat; cum abesse non presumatur, ut Old. conf. 229. n. 3. Gonz. l. c. n. 26. & 27. adde, quod presumatur contingere in diecesi, ubi beneficium consistit. Gonz. gl. 32. n. 47.

PARAGRAPHVS II.

De vacatione per mortem naturalem

Quæstio 26. An per mortem naturalem vacet beneficium?

R Espondeo: primus ac principius vacationis modus est per obitum & mortem naturalem. et susceptum, de rescrip. in 6. & ibi gl. & DD. communiter. Gonz. gl. 15. nu. 3. cum communis mors enim omnia jura solvit, auct. de mptis. & deinceps. collat. 4. quod usque ad eum verum est, ut etiam beneficiatus miraculose resurgeret à mortuis, nullum jus ad recuperandum beneficium haberet. Gonz. ibid. n. 6. Castrop. de benef. D. 6. p. 1. n. 1. citans Barb. depot. Ep. alleg. 57. n. 199. non tamen vacant per mortem naturalem, utpote nullo vacationis modo vacabiliis beneficia accessoriæ in perpetuum unita alteri. Item beneficia de mensa, & beneficia Ecclesiæ non numerata. Castrop. loc. cit. n. 2. Pith. ad tit. 8. l. 3. n. 24. juxta dicta a nobis §. præced.

Quæstio 27. Quid veniat, vel non veniat nomine mortis: quid nomine mortis naturalis?

I. R Espondeo ad primum: Primò Mortis appellazione in jure non venit aliud quam hominis interitus. Lott. l. 3. q. 10. n. 1. neque enim venit deportatio, neque condemnatio ad mortem. Lott. ibid. n. 2. & 3. sed neque mors civilis reperitur seu datur in jure. Lott. n. 7. ex rebuff. sed id nomen magistralis est à magistris juris inventum. Lott. ibid. ex Eman. à Costa. ad significandam mortem fictam, ratione nimis alicuius equiparationis in casibus, in quibus eundem effectum, quem mors naturalis, operatur. Lott. n. 8. & 9. citans P. x. pos. inc. in apibus. 7. q. 1. n. 2. Old. conf. 248. n. 4. Et cetero. Idem dicendum de voce decesus, & verbo decedere, ut propriè mortem naturalem significet. Lott. n. 10. & 13. q. 9. n. 4. Et cetero. Item de voce obitus, quæ frequentius utimur in

Sectio I. Caput I.

conciendiā supplicatione, & quā nusquam trahitur ad mortem civilem seu fictam. Card. de Luca. de benef. d. 16. n. 10. (ubi etiam quod vocabulum *obitum* frequentius adhibetur ad distinctionem vocabuli *moris*, sub quo tanquam latiori mors civilis etiam venit, iuxta decis. Rot. 543. n. 2. p. 2. recent) Lott. cit. q. 10. n. 11. & 12. Porro ut in his omnis prorsus exterminetur nedum aequivocatio, sed & aliter interpretandi occasio, narravam per congeriem quandam terminorum expressivorum mortis naturalis sic concipi & esformari ait Lott. n. 14. per obitum quandam N. illius, dum riperet, ultimi possessoris, extra curiam Rom. tali mense defunctorum. quippe dictio quandam relata ad hominem seu personam, denotat eam inter mortales esse defuisse. c. cum contra. de pignor. Lott. n. 15. Idem apertius significavit verba illa, dum riperet, & terminus ille, defuncti; defunctum enim esse idem est, ac diem ultimum obiisse, & diem obire pro mori sumatur. Lott. n. 16. & seq. Unde &c. cum litera expedientur, dicta clausula sic consuevit extendi: per obitum dicti N. qui extra curiam Rom. de tali mense diem clausi extremitum, vacavit, &c. extremus enim dies mortem eandem naturalem significat. Lott. n. 21. & 22.

2. Secundò: de cetero sub nomine *moris* venire solet mors etiam civilis, quando nomen mortis exprimitur à lege, secus si ab homine; in dispositione enim hominis mortem naturalem solum attendere debemus. Card. de Luca loc. cit. n. 7. & 8. ubi etiam, quod cùm regulæ Cancellariae inducentes reservationes non clausas in corpore juris, hominis potius (Pape nimurum pro tempore existentes), qui eas edere solet duraturas pro tempore vita sua, & post mortem suam exspiraturas) quām legis dispositio nem contineant, dum nomine *moris* simpliciter usurpant, intelligenda sunt de morte naturali. Hic tamen etiam notanda doctrina generalis, quam tradit Laym. in c. suscepsum. de rescrip. in c. ex Suar. de LL. l. 8. c. 28. spectandam nimurum materiam subjectam, eò quod ad illam accommodari solent verba, & principiū spectandum, an sit materia ambitiosa, vel etiam periculosa, ex qua sumi possit occasio ad multiplicandas lites vel peccata; ut nimurum tunc verba coarctentur: præterea circumstantias omnes causarum, personarum attendendas diligenter esse; quia hæc omnia conferunt tum ad significacionem verborum, tum ad mentem principis intelligendam. Et sic iuxta hæc, ut ait ibid. Laym. n. 3. resolvi posse: si à fundatore mandatum, vel à Capitulo aliquo legitimè statutum sit, v.g. ut post mortem alicuius beneficiati persona talis qualitatis substitueretur, vel persona substituta in locum defuncti tale onus aut commodum ferred. beatum idem quoque extendi deberet ad eos, qui in beneficio succedunt per resumptionem; se autem arbitrari, non posse regulam generalem tradi, sed ex materia subjecta, & ex circumstantiis, ut dictum, colligendum fore, quæ mens fuerit statuentium; quippe qui s'p ad juridicam verborum accepti onem non exactè solent attendere, & interdum unam speciem vacationis, nempe per mortem, quæ communiter accidere solet, nominare: ut tamen idem quoque in aliis ob rationis identitatem fieri volunt iuxta doctrinam Sanch. l. 7. de matrim. d. 8. n. 13. quod verba positæ in dispositione ob frequiorenum usum eam non restrinquant.

3. Respondeo ad secundum primò: Mors civilis nusquam aequipollit naturali (nisi in casibus in jure exceptis). Laym. in c. suscepsum. n. 9. ubi etiam iuxta

gl. in lex et parte. §. insulam. ff. de verb. signific. quod appellatio mortis intelligatur mors naturalis, non civilis) neque sub nomine mortis naturalis unquam venit civilis, nisi in casibus, in quibus ita reperitur expressè in jure cautum. Card. de Luca loc. cit. n. 6. citans Old. conf. 28. 4. in fine. Anch. conf. 273. in principio. Fagnan. in c. perpetua. de simon. n. 16. & Rot. decis. 543. n. 1. p. 2. recent.

4. Secundò: tametsi mors illa naturalis pluribus contingat modis, quatenus tamen omnes illi modi tendunt ad unum eundemque effectum, numirum separandis animam à corpore, singuli dicuntur, seu semper dicitur mors naturalis, largo saltem modo. Lott. cit. q. 10. a. n. 24. unde licet mors naturalis ea propriè dicatur, quæ ex causa naturali intrinseca, nullà extrinseca adhibita vi incurrit. Lott. n. 28. illa vero violenta, quæ illatæ tali vi extrinseca, atque quodammodo contra naturam, & ex causa aliena quam propria natura infertur. Lott. a. n. 29. venit tamen appellatione mortis naturalis, prout hoc contra civilem & fictam mortem distinguunt; & sic damnatus pœna capitii, post ejus litionem dicitur mortem naturalem obiisse. Lott. n. 32. ex Baldo, ubi etiam subiungit ex eodem Bald. conf. 8. n. 2. & 3. l. 1. quod ea mors, quæ infligitur iussu magistratus in executionem legis, et si in ea contingat coactio ab agente extrinseco, contraria propria natura & voluntati, non tamen adhuc dicitur violenta in hoc sensu, quod non homini sed legi attribuitur (lex enim reum, non homo occidit). S. August. relatus in c. si homicidium. 23. q. 5.) lex autem nihil violenter agere intelligatur; sed tunc demum inferatur violentia, quando sine lege quis impellitur, & quos Deus. 33. q. 2.

Questio 28. Quid in genere requiratur, ut beneficium vacet per obitum alicujus?

R Espondeo; vacat per obi: um, etiam habentis solum jus in beneficio, constat ex dictis supra. sic vacare dicitur per obitum habentis collationem acceptatam finē possessione. Gonz. gl. 15. §. 1. n. 31. citans Nay. de orat. c. 7. n. 29. Paril. l. 10. q. 6. n. 54. Rebuff. conf. 48. nu. 1. & c. econtra non vacat per obitum præsentati nō instituti &c. Barb. juris. ccl. l. 1. c. 19. n. 239. constat item ex dictis supra. Nihilominus vacatio per obitum decadentis in possessione attenditur ad effectum juris confundi. Gonz. gl. 15. §. 1. nu. 54. sic iuxta Tex. Clem. l. ut lite pend. dum duo litigant super beneficio, & uterque decedit, vacare censetur per obitum illius, qui decedit in possessione, nullā habitat distinctione, num bonum jus habuerit, necne, ut gl. in cit. Clem. v. possidebat. & ibi communiter omnes. Gonz. cit. n. 54. quia semper possessor præsumitur Dominus, quando de dominio incidenter agitur, iuxta l. 2. c. de probat. Gonz. nn. 55. citans Leipsum §. 3. proœm. a. n. 55. Item attenditur dicta vacatio in ordine ad reservationem seu effectum regularum Cancell. tertia. 4. 5. 6. Gonz. cit. §. 1. n. 59. ubi, quod dicta regulæ locum habeant, & intret earum reservatio, licet verificetur vacatio de solo facto; citatque pro hoc Simont. de reserv. q. 51. n. 4. & seq.

Questio 29. An vacet beneficium per mortem Commendatarii, saltem perpetui?

R Espondeo negativè, sed semper vacat ut prius, ita ut non sit attendendus mensis, in quo obiit Commendatarius, Gonz. gl. 15. §. 2. n. 19. & plenius

pleniū gl. §. 8. nū. 48. dicens sic semper servas Curiam, Cancellariam, & Cameram Apostolicam, & citans pro hoc Nav. cons. 28. de prab. Rebuff. in pr. tit. de commenda, n. 5. Comeſ. ad reg. de trienn. q. 5. Gamb. de pot. leg. l. 4. n. 34. &c. verū de hoc satis dictum suprā.

Quesitio 30. An, & qualiter vacet beneficium per obitum privati beneficio?

R Espondeo: si post privationem ipso jure moriatur privatus, antequam dimittat possessionem, non vacat beneficium per obitum illius, sed per professionem, contractum matrimonii, aliam causam, ob quā ipso jure privatus est beneficio: prior enim vacatio, ut dictum, impedit sequentem. Barb. juris Ecc. l. 3. c. 14. nū. 67. securus est de privando, v. g. ob delictum per sententiam; vacat enim beneficium per obitum illius, dum moritur post contractum crimen, ante latam sententiam; sed de hoc quoque satis suprā.

Quesitio 31. An, & qualiter vacet beneficium per obitum habentis jus ad regressum beneficii dimissi?

R Espondeo: si quis moriatur, antequād regrediatur ad primum beneficium, quod dimisit ex causa permutationis, dum beneficium ei datum non est certum, dicitur beneficium illud vacare per obitum illius, quamvis aliud id possideat. Gonz. gl. 15. §. 1. n. 32. & gl. ead. §. 2. n. 39. citans Lap. n. 1. Anch. in fin. Gemin. nū. 9. Franc. n. 3. in c. Si beneficium. de prab. in 6. vide de hoc eund. Gonz. à n. 39.

Quesitio 32. An, & qualiter per obitum vacet beneficium manuale, vel etiam alias collatum ad beneplacitum conferentis?

1. R Espondeo ad primum: manuale vacare per obitum habentis illud. Paris. l. 11. q. 3. n. 94.

2. Respondeo ad secundum: beneficium collatum ad beneplacitum, vacat per mortem conferentis. Gonz. gl. 15. num. 93. utrumque juxta dicta ante.

Quesitio 33. An, & qualiter vacet beneficium per obitum resignantis?

1. R Espondeo primò: vacatio per obitum & per resignationem æquiparantur in multis, & in ordine ad plures effectus. Paris. l. 1. q. 6. n. 15. juxta DD. in c. susceptum. de rescrip. v. g. in ordine ad pertinentiam fructuum, dum beneficii simpli- citer resignati fructus spectant ad eos, ad quos spe- clarent, si vacarent per obitum, nempe ad successorem. Paris. ibid. n. 14. Item ut statim post resignationem (intellige simplicem) possit provideri, ac alia circa illud remedia adhiberi, ut in beneficiis, quā vacant per obitum, Paris. l. 1. q. 7. n. 5.

2. Respondeo secundò: differunt tamen quantum plurimum inter seu vacatio per obitum, & vacatio per resignationem; & quod vacavit per resi- gnationem, non potest dici verè vacare per obitum (intellige resignantis) cum ad positionem unius excludatur alterum, juxta c. susceptum. de rescrip. in 6. Bursar. conf. 394. vol. 4. & alios. Paris. l. 12. q. 9. n. 5. Tondut. p. 1. c. 5. n. 2.

3. Respondeo tertio: secundū plures moriente resignante intra 20. dies, dabuntur quidem vaca- P. Leuren. Fori Benef. Tom. III.

tio per obitum, sed ficta seu interpretativa, non vera; quia Papa facere non potest, quod resignatio, quā verè & realiter facta fuit, facta non fit; potest tamen facere, ut moriente resignante intra 20. dies, beneficium censeatur vacare per obitum illius, & quod quoad hoc resignatio habeatur pro non facta, juxta gl. in Clem. I. de immunit. Eccles. Et hunc vacandi modum per obitum fictum esse, indicare similitudinem ipsa Regula de infirmis, dum non dicit simpliciter: vacant per obitum: sed per obitum nihilominus vacare censeantur: verbum enim censeantur denotat fictionem, juxta c. 1. & c. 15. qui de procurator. in 6. & c. 1. de arbitrio. ita Paris. cit. q. 9. n. 5. & c. ex mente aliorum, quos citat, nempe Sarmens. ad reg. de infirm. q. 30. n. 3. &c. qui sic testantur resolutum à Rota in Segobiensi. Archidiacon. Ac proinde, quod hinc sequitur, secundū hos AA. hac vacatio, cum non sit vacatio vera per obitum, non comprehenditur sub Regulis, alisque dispositionibus & concessionibus, loquentibus de vacatione per obitum. Hanc sententiam tenere videretur Lott. l. 2. q. 15. & tenet illam expressè C. de Luca. de benef. a. 34. à n. 9. supponunt autem hi AA. talēm resignacionem securā morte intra 20. dies haberi quidem pro infecta & invalida respectu tertii, nempe collatoris, cui fraus parari præsumitur per istam resignacionem, dum extremo illo tempore resignans præsumitur velle quasi eligere succesorem sibi, & per speciem ultimæ voluntatis disponere de beneficio, & sic collatorem fraudare collatione. Card. de Luca. l. c. n. 10. quam fraudem præsumptam præ- cavere, & quod delictum præsumptum punire intendit dicta Regula de viginti (propter quod Paris. l. 12. q. 1. n. 1. & 30. & q. 2. n. 10. apud Card. de Luca. cum aliis censet, dictam regulam favorabilem, ut pote obviantem fraudibus & peccatis) Luca cit. nū. 10. & 15. ubi, quod hoc contingat per vim retroactivam, in qua consistit fictio inducens effe-ctum huius veritatis super modo vacationis in favorem collatoris, cui fraus parabatur; & contra hanc resignationem in odium parantis fraudem haberi pro omnino perfectā & effectuarā, ita ut talis resignans beneficiatus amplius non sit, nec perget in eo residere beneficium, idque per speciem quandā privationis vi Regula de 20. tradit Card. de Luca. n. 9. & 15. Neque hoc ipsum implicare, quod nimirum actus dici possit ab initio nullus, cum vi retroactiva sic habeatur pro invalido, seu non acto ad favorem tertii, cui fraus imminebat (idque magis per prenalem quandam resolutionem, quam per, seu ob deficiētē voluntatem facien-tes actum, nempe resignantibus ob non purificatam conditionem ab eo adjectam, & sine qua is alias non habuit animum faciendi) & tamen habeatur pro valido & profecto respectu, & in odium alterius, qui culpare egit, seu fraudem parabat, qualis est iste resignans, id, inquam, pluribus ostendit exemplis Card. Luca à num. II. nimirum in religioso ob delictum ejecto, qui quoad ei favorabilia habeatur pro vero ejecto, & non amplius religioso, quod ad odiosā ei v. g. quod ad observantiam votorum, aliaq; professionis onera, manet & habetur religiosus professus. In hærede ob delictum redditio indi- gno hæreditate, qui quoad ei favorabilia definit esse hæres; manet & habetur pro hærede quoad odiosa & prejudicialia.

4. Nihilominus contrarium, nempe quod hæc vacatio per obitum censeatur vera vacatio per obitum, & iste modus vacandi comprehendatur in regula.

regulis, dispositionibus, concessionibus loquentibus de vacatione per mortem tanquam verius, æquius, sustentabilius, & quod hodie servetur in praxi, tenet Tond. & ipse Paris. loc. cit. nu. 7. citans pro hoc Rebuff. in pr. super regulâ illa. de infirmitate. Put. decif. 297. l. 3. qui sic testatur resolutum in Bononiens. regreflus. 17. Mart. 1550. rationem dat Paris. loc. cit. n. 8. & seq. nimisrum quod, esto, quod sit fictio, fictio tamen à jure inducta habeatur pro veritate quod juris dispositionem, juxta Bart. in leg. is qui pro emptore. de usucap. & idem importet fictio legis, quod ipsa veritas, seu equipollit veritati, ut C. Paris. cons. 22. n. 10. vol. 2. & tantum operetur fictio in casu ficto, quantum veritas in casu vero, ut Paris. cons. 128. n. 32. vol. 4. Nec dici posse verbum censetur importare meram fictionem, dum in jure paria sunt, aliquid esse, & haberet pro tali, ut Paris. cit. cons. 22. n. 10. Ad qua tamen dici possit, aliud esse veram vacationem per obitum, aliud æquiparari vera vacationi per obitum, & operari eundem effectum cum illa. De cetero hujus posterioris sententiae AA, supponunt, talem resignationem non admitti à Papa, & præservare jus resignantium, ut expressè Parif. cit. q. 9. n. 11. quod si verum, indubitate vacat per obitum talis resignantis: vide dicta supra ex Lott. ad q. an concurrens possint vacationes duas ex eadem persona.

5. Respondeo quartò: per obitum resignantis, nempe in favorem, & non per resignationem vacat beneficium. Primo: si es moriatur ante admissionem, vel etiam post, ante tamè præstitum, consensum, in camera vel Cancelleria, beneficium vacat per obitum resignantis, & non per resignationem. Paris. l. 1. q. 4. n. 42. citans Put. decif. 92. n. 6. l. 2. ac dicens esse communem, adeoque gratia per resignationem non suffragatur. Parif. ibid. citans Bellam. Secundo: vacat per obitum illius, si servatae non sint conditions, ed quod jus à resignante non abdicatur ante impletas illas conditions; sive non abdicatur, nisi sub talibus conditionibus. Paris. ibid. n. 43, citans pro hoc plures Rota decif. Tertiò: si moriatur, antequam resignatus acceptet. Parif. de resig. loc. cit. nu. 44. Azor. p. 2. l. 7. c. 23. q. 4. Tond. p. 2. c. 4. §. 7. n. 18. unde si resignans moriatur in mensie reservato ante acceptancem resignatarii, semper durat reservatio. Tond. loc. cit. nu. 19. Quarto: si resignans moriatur antequam resignatus consentiat reservacioni fructuum aut pensionis; quia non est perfecta resignation. Paris. cit. n. 44. Azor. loc. cit. q. 3. unde & nihil potest acquiri resignatario ex ista resignatione. Paris. ibid. Et resignatus, qui in vita resignantis non consensit resignationi, aut penitus reservationi, non potest id facere resignante mortuo; quia res non est integra, & jam beneficium vacavit per mortem. Paris. n. 42. juxta decif. Rot. in Mantuana Canonice. Item si lata sententia contra resignantem ante acceptancem resignatarii præjudicat resignationi. Parif. nu. 48. juxta decif. Rot. in Toletan. Parobial. 2. Decemb. 1551. teste Caputraq. decif. 90. p. 3. Quintò: quoties jus abdicatum non fuit à resignante per resignationem, utpote nullam (intellige etiam respectu ipsius resignantis) vel non effectuatam; puta v. g. si facta à procuratore excedente limites mandati, si facta patrono Laico contemptu &c. Tond. loc. cit. à n. 7. Card. Luca. de benef. decif. 35. n. 3. & d. 36. n. 3. & d. 22. n. 4. Illud quoque notari potest, quod ait idem Tond. p. 1. c. 13. n. 17. in Gallia tria copulativè concurrere

debere ad hoc, ut beneficium resignatum vacet per obitum resignantis, primum, quod non fuerit facta publicatio resignationis (quam ibi sufficit fieri intra triennium vive resignante) secundum, quod non sit capta possessio beneficij resignati. tertium: quod resignans post 6. mensis in curia, vel postulum mensem extra Curiam mortuus fuerit, & non tantum mortuus fuerit, sed etiam tempore mortis adhuc fuerit in possessione, ita ut si unum ex his tribus deficiat, beneficium non vacet per obitum, sed per resignationem. citat pro hoc Peleum. in Commentarij Analyt. c. 32. nu. 37. Gomes. ad reg. de public. q. 15.

Quæstio 34. Mors, ex qua inducitur vacatione, qualiter in supplicatione exprimatur & narratur, & narrata justificanda?

1. Respondeo ad primum: de hoc dictum sat is in q. 2. hujus, §. ubi quærebatur, quid veniat nomine mortis.

2. Respondeo ad secundum primò: dum vacatione per obitum inducta & narrata, & sic provisio Apostolica facta ex hujusmodi causâ, probandus est hic obitus per provisum, qui illum narravit, & in eo se fundat; si non etiam notorius sit, nec detur quis, qui eum in dubium revocet. Lott. l. 3. q. 10. n. 37.

3. Respondeo ad secundum secundò: si narrativa obitus consideretur simpliciter, & non impliciter præjudicium alterius, quam illius, qui narratur & supponitur defunctus (cum hujus reputetur præjudicium levissimum; quia ubicunque is compareat, non defunctus recipit seu retinet beneficium suum, collatiisque nulla est. Gonz. gl. 11. n. 99. Lott. loc. cit. n. 38.) sufficit sempliaca probatio per tamam, & vocem publicam juxta doctrinam Bart. m. l. 2. §. si dubitetur. num. 3. ff. quemad. refam. aperiat. Gonz. loc. cit. n. 39. juxta dicta supra in q. qualiter probanda vacatione in genere,

4. Tertiò: si vera narrativa obitus impliciter præjudicium alterius, ut id contingit, ubi non impliciter strigit modum vacationis, sed cum adjuncto aut temporis, aut loci, aut personæ, unde resulteret reservatio in grave præjudicium inferioris collaroris, & provili ab eo (quippe qui privandus est conflito de reservatione) exigitur plena & conclusa probatio obitus juxta doctrinam. Bart. loc. cit. n. 2. Lott. n. 40. Gonz. loc. cit. n. 100. vide dicta superiori, ubi de probanda vacatione pro certo mensie in ordine ad reservationem, ubi etiam ex eodem Gonz. qualiter hæc limitanda.

5. Respondeo tertio: plenè probatur obitus ex confessione partis nixæ, seu venientis ex eadem vacatione, juxta regulam leg. cum prec. &c. de liberal. cauf. Lott. ibid. q. 10. nu. 42. Etiam si confessio deduceretur ex titulo inutili. Lott. n. 43. citans Rot. decif. 117. n. 2. p. 1. recent. Item ex instrumento possessionis adeptæ. Lott. n. 44. citans Rot. decif. 605. n. 6. p. 2. Item ex actis publicis, puta libro Parochi. (idem est de libro hospitalis. Lott. n. 46. citans pro hoc Seraph. decif. 1456. n. 2. Farinac. fragment. p. 2. n. 336.) in quo confuerunt annotari nomina defunctorum. Lott. n. 45. citans Mand. ad reg. 18. q. 10. n. 4. Rebuff. ad reg. consitit. 10. 2. ad reg. obit. præsumi & sepulta. l. gl. 4. Greg. decif. 78. n. 2. &c. modis ramenta partita de libro hujusmodi sit formiter extracta, id est, prout jacet, ne alias reputetur simplex fides. Lott. cit. n. 46. citans Gregor. decif. 359. nu. 5. Bellam. in addit. ibid. &c. Et modis formiter recogniti-

recognita sit manus ipsius Parochi. Lott. *ibid.* citans Rot. *decis.* 231. n. 1. p. 2. *divers.* Item probatio plena constituitur per testes referentes talia, unde mors notoriè inducitur; puta, quia viderunt mortuum, vel viderunt sepeliri, aut exhumari, aut decapitari, cum similibus, quæ de necessitate mortem concludunt. Lott. *n.* 47. ubi etiam ex Menoch. *de adi-*
pisc. remed. 4. *n.* 675. & Rota in *Terason. Capelle.* 28. Novemb. 1605. quod istæ rationes reputantur sufficientissimæ, etiam ubi agitur de gravissimo prædicio; & subiungit *n.* 48. reputari etiam optimam rationem plenè probandi mortem ex teste vi-

cino.

6. Respondeo quartò: ubi videri potest minus plena hujusmodi probatio, potest ea coadjuvari, & sic integrari vel ex alia semiplenâ probatione. Lott. *n.* 49. *juxta decis.* Rot. *736.* *nu.* 4. *p.* 2. *recent.* Gl. *in c. 1. de appell. v. famam.* Gregor. *decis.* 166. *n.* 6. & 8. Bart. *in l. admonendi.* *nu.* 48. *de jure jurando.* & alios, quos citat & sequitur Lott. *nu.* 50. & 51. testans sic consuevit: Rotam mandare integrari minus plenam probationem, ut constat ex *decis.* 117. *n.* 1. *p.* *recent.* v. g. dum cum uno teste de certa scien-
tia concurredit fama probata per 2. testes. Lott. *loc.* *cit.* integrari quoque potest ex aliis adminiculis, puta, si cum uno teste de certa scientia veniant alii, qui audierint pulsari campanam pro mortuo, vul-
gacumque attestarentur, eam pulsari pro effero-
nali defuncto, & post vidisse familiam vel cognati-
nos induitos vestibus lugubribus, et si hi testes non
dicant, se vidisse cadaver: ista namque rationes si-
mul sumpta propemodum mortem concludunt. Lott. *n.* 52. ex doctrina Bart. *in l. genero.* *n.* 6. *ff.* de
his, qui nor. infam. quin etiam satis probari aliquem
esse mortuum, ait Cravetta *conf.* 127. apud Lott. *n.* 53. quod pro tali eum reputent familiares, & con-
fanguinei deferentes lugubres vestes; sicut econtra
argui vitam ex eo, quod vestes lugubres per eos
non deferantur, tradit cum aliis Farinac. *fragm. p.*
2. *nu.* 325. apud Lott. *ibid.* cum neque illud sit præ-
judicium maximum, id est, irrefractabile, quale
est, cum agitur de pena capititis, ut distinguunt Bart.
in l. 2. §. si dubitetur. ff. testam. quemad. aperiatur. Fe-
lin. *in c. quoniam frequenter. ut lite non contest.* ibid.
Bald. Lott. *cit. n.* 53. *qui n.* 54. ait, id de piano pro-
cedere, ubiunque agitur de probando obitu se-
cuto in remota aliqua parte à loco, in quo facien-
da probatio; eò quod in hoc casu sufficiat proba-
tio per famam in eo loco, in quo mors secuta affer-
tit, etiam ad effectum constituta devolutio-
nis, ut Put. *decis.* 508. *l. 2.* atque idem Lott. *n.* 56.
& 57. id longè fortius obtinere, ubi quis supponi-
tur mortuus in bello, aut in mari, ut Farinac. *loc.*
cit. *n.* 227. qui hos duos casus æquiparat: dum enim
haberi non potest testimonium ab his, qui simul
navigarunt, satis est haberi id à liberis & propin-
quis eorum, *juxta l. quoties. c. de naufrag.* ubi Bart.
loc. cit. *n.* 5. apud Lott. *n.* 57. qui tamen *n.* 58. ait,
id intelligi, si testes super hoc inducti formiter, id
est, parte citarà cum juramento sint examinati; id
enim necessarium esse ad effectum justificationis
gratiae; quidquid alias sit ad effectum simplicis in-
formationis de morte ex officio judicis, in quibus
terminis loquuntur Sanch. *de Matrim.* *l. 2.* *D.* 46. *n.* 8. Felin. *in c. quoniam.* *n.* 24. & alii. item *n.* 60. ait
procedere, nisi in contrarium urgeant aliquæ con-
jecturæ de vita; eò quod vita est quid magis expo-
situm sensui, quam mors; & assertere vivum, sit af-
firmativum; assertere autem mortuum, sit negati-

vum; unde etiam facilius credatur testibus afferen-
tibus aliquem vivere, quam afferentibus esse mor-
tuum, ut Gabriel *de testibus. concl.* 4. *n.* 21. & Rota
decis. 521. *n.* 6. *l.* apud Lott. *n.* 51. nisi forte testes
deponentes super morte magis invaleficerent ra-
tione ex aliquibus sensatis signis. Lott. *num.* 62. &c
Felin. *in c. in nostra n. 6. de testibus.*

7. Respondeo quintò: cessante etiam casu, in
quo gratia est fundata super tempore mortis, ex
quo resultat reservatio, dum veritas in narrativa
mortis expressæ pro explicandâ simpliciter vaca-
tionis, mors ipsa omnino est justificanda juxta dicta.
Lott. *loc. cit.* *n.* 66. neque evitatur dicta probandi
necessitas, quomodo cunque supponatur vacatio
per obitum ex antiquissimo tempore 100. annorum,
et si ea ætas reputetur aliæ longissimum tem-
pus vita homini, ut ait L. ult. *c. de sacro sanctis Eccl.*
cum exinde non possit constitui legitima mortis
probatio: sed probatio hæc præsumptiva mortis
est æquivoca, cum frequenter reperiuntur, qui æ-
tatem hanc longè exceperunt, Lott. *n.* 7. & 73. ci-
tans Gabriel. *de presumpt. Concl.* 16. *n.* 6. &c. quam-
vis dicat Lott. *n.* 77. se non negare illum lapsum
temporis maximam præsumptionem mortis infer-
re, seu verius verisimilitudinem, ut Covart. *var.*
rejol. *l. 2. c. 7. n. 6.*

Quæstio 35. An. & qualiter probandum tempus obitus?

R Epondeo præter ea, quæ dicta sunt suprà, de
exprimendo & justificando mense vacationis,
ubi vis est in tempore, illudque est de substantiâ,
nimis, ubi in eo, resultante v. g. ex illo reser-
vationis, fundata est gratia, debet præcisè & con-
cludenter probari. Lott. *cit. q. 10.* *nu.* 63. ex Put.
decis. 265. *l. 3.* Card. Luca. *de benef.* *d.* 16. *n.* 14. sic
v. g. proviso Apostolico gerenti vices actoris con-
tra provisum ab Ordinario tanquam reum & pos-
sessorum, incumbit onus probandi perfectè & con-
cludenter reservationem tanquam fundamentum
sua intentionis, ad eoque obitum contingile in men-
se reservato. Card. Luca. *loc. cit.* eo tamen modo
quo potest fieri, dum enim agitur de morte nau-
fragi, potest hoc tempus ob difficultatem alterius
probationis probari per famam. Lott. *loc. cit.* *juxta*
Rot. *decis.* 53. *à n. 1. p. 2. divers.* Card. Luca. *loc. cit.*
n. 15. ubi quod iste rigor probationis congruus est,
ubi mors sequeretur inter fideles, ubi servatur
dispositio Tridentini super libro mortuorum, seu
quod aliæ mors probari posset per testes, qui fue-
rint præsentes funeribus, vel morti in propria do-
mo secura; secus enim, ubi agatur de probando
mortem in bello vel in navigatione, seu in captivi-
tate, aut tempore pestis cum similibus casibus
accidentibus; tum enim receptum est, mortem
etiam levioribus administrativis probationibus
justificari, citat pro hoc Mascard. *de prob. concl.* 1075.
n. 8. Sanch. *de matrim.* *l. 2.* *d.* 46. *n.* 17. licet autem
obitus proberetur per testes dicentes, vidisse se ta-
lem sepeliri, non probatur tamen obitus in tali
tempore, v. g. in mense Januario per dicentes vi-
disse se sepeliri in mense Januario; cum potuerit
contingile obitus in Decembri, & differri sepulta-
ra ex causa aliquæ ad primum vel secundum Janua-
rii. Rota in *Sutrina Parochial.* 8. Junii 1588. apud
Garc. *p. II. c. 1. nu.* 59. de cetero ad justificandum
tempus mortis, seu pro confituendo certo hujus-
modi tempore permisum est conjungere deposi-
tiones testium, puta duorum deponentium de-

P. Leuren, Fori Benef. Tom. III.

B 3

menſe

mense, nihil autem dicentum de anno, & aliorum duorum depositum de anno, & nihil dicendum de mense. Lott. n. 64. citans Cresc. decif. 3. de præb. porrò, cùm consueverit frequenter celari mors, & hinc oriatur magna quandoque diffusa probandi tempus mortis; ubi de tali celeratione est suspicio, pote impetrari officium judicis, ut expletetur veritas ex visione loci, in quo assuritur jactare, de cuius vita dubitatur. Lott. n. 65. & 66. citans Boëtium decif. 188. n. 2. Gozadin. conf. 68. n. 9.

PARAGRAPHVS III.

De vacatione per mortem civilem, puta per contractum matrimonium, initam religionem, vel etiam per militiam aut captivitatem.

Quæstio 36. An, & qualiter vacet beneficium per contractum matrimonium per verba de praesenti.

R Espondeo primo: matrimonium contractum per verba de praesente inducit vacationem omnium beneficiorum obtentorum. c. 1. & 3. de clericis conjugat. & c. uniu. eod. tit. in 6. Castrop. de benef. d. 6. §. 6. n. 1. Barb. juris Eccl. l. 3. c. 14. n. 7. citans quamplurimos cum communi.

2. Respondeo secundò: inducit hæc vacatio ipso jure absque ulla judicis sententia, etiam declaratoria. Sanch. de matrim. l. 7. d. 42. à n. 4. citans quamplur. rum Theologos, rum Canonistas. Lott. l. 3. q. 26. n. 62. & 64. Castrop. loc. cit. n. 2. citans insuper Mafcard. de prob. concl. 182. n. 1. & 2. Leff. l. 2. c. 34. dub. 21. n. 112. Garc. p. 11. c. 8. n. 1. Guttier. tr. de matrim. q. 97. n. 2. Azor. p. 2. l. 7. c. 16. q. 4. Gonz. gl. 15. n. 43. &c. contra Carerium de fonsal. Rodriq. in sum. t. 1. c. 224. n. 1. & gl. in c. conjugatus. v. ad sacros ordines. de convers. conjugat. quatenus dicit, contrahentes debere privari beneficiis, adeoque supponitur jure ipso non privatos. Ratio responsionis est, quod hæc vacatio non inducatur ob delictum (quod nullum est, dum beneficiatus non habens maiores ordines nubit) sed ob assumptum statum incompatibilem. Castrop. loc. cit. n. 2. Lott. loc. cit. n. 61. contrahens quippe matrimonium ipso facto Ecclesiastum relinquunt, & eam pro derelicta habet. Castrop. ibid. & per electionem statutus istius incomparabilis ipsemet beneficium ejuravit, ideoque nullæ expectata sententiæ remanet ipso jure privatus beneficio, Lott. n. 62. Proinde in contrarium non facit, quod textus nullus sit clare hanc vacationem ipso jure inducens: sed neque obstat, quod c. 1. de cleric. conjugat. dicatur, contrahentes compellendos esse distributione Ecclesiastica ad relinquenda beneficia: & c. 3. eod. tit. quod debeat privari, & sint spoliandi: si quidem hæc & hujusmodi intelligenda sunt de compulsione & spoliatione facienda quodad factum seu possessionem, cum sint in iusti possessores. gl. in cit. c. 1. de cleric. conjug. v. relinquenda. Castrop. cit. n. 2. quod vero dicitur c. 1. qui vero. 31. dist. & c. quia tua. 12. q. 1. quod Cleri non constituti in sacris ordinibus, si continere non possint, sortiri debeat uxores, & stipendia sua accipere, intelligendam de stipen-

diis quibusdam temporalibus ob ministerium aliquod in ecclesia exercitum, non de beneficio Ecclesiastico. Castrop. loc. cit. juxta Abb. in c. 1. de cleric. conjugat. Unde jam infertur, posse tale beneficium mox à contracto matrimonio tanquam vacans impetrari. Barb. loc. cit. n. 9. Item beneficium post matrimonium contractum non posse à beneficiario derineri (& uti Barb. loc. cit. n. 9. citans pro hoc Sanch. cit. d. 42. à n. 10. teneri sub mortalilud statim dimittere) nec fructus amplius percipere; nec resiguar in favorem, aut permutare, quiajus omne in beneficio jam amisi. Barb. & Sanch. loc. cit. n. 5. Porro responsione extendit Lott. loc. cit. n. 65. ad quasunque dignitates Ecclesiasticas; nec non n. 66. ad magistratus ecclesiasticos, quin & n. 68. ad feuda Ecclesiastica, nimurum hæc eo ipso amittenda, nisi ex tolerantia Ecclesiæ confusero contrarium obtinisset: pro quo postremo citat Jo. And. ad c. fin. de cleric. conjugat.

Quæstio 37. An extendatur quoque responsio ad beneficiatos Gracos.

R Espondeo negativè: sive Clerici & presbyteri graci, seu Orientales conjugati legitimè habere possunt beneficia, modò ea hæc constituta more gratorum; secus enim esset, si sit beneficium latronum. Barb. loc. cit. n. 19. citans Carol. de Grassi de effectibus Clericalibus. Effectu 5. & 25. & 42. &c.

Quæstio 38. An ergo eo ipso jure amittantur quoque iura alia omnia ad beneficia, & in specie, quid in hoc circa pensiones?

1. R Espondeo quoad omnia affirmativè: dum enim matrimonium est status incompositibilis cum beneficio, est etiam talis status respectu juris ad illud. Castrop. loc. cit. n. 4. Sanch. loc. cit. n. 7. relatis plurimis. Garc. p. 11. c. 8. n. 2. sic expirat hoc ipso exspectativa, si quam habebat. Lott. cit. q. 26. n. 70. nec eam recuperat soluto matrimonio. Lott. ibid. juxta gl. in c. uniu. de cleric. conjug. in 6. q. Clericis, sic amittit jus accessus & regredius, & similia. Paris. l. 1. q. 6. v. 14. Barb. loc. cit. n. 15. Lott. loc. cit. n. 69. citans Chok. ad reg. 65. n. 7. Sanch. loc. cit. n. 7. sic par modo amittit jus, si quod acquisivit ad beneficium vi electionis vel presentationis, ut Paris. l. 1. q. 1. n. 14. dicens esse communem, & citans pro hoc Covat. super 4. decret. p. 2. c. 6. §. 3. n. 5. quia contrahens matrimonium hoc ipso tacite videtur renuntiare non tantum beneficio, sed & omni juri competenti ad beneficium Ecclesiasticum.

2. Respondeo ad secundum: amittit quoque jus percipiendi pensiones Ecclesiasticas. Lott. loc. cit. n. 67. Barb. loc. cit. n. 14. Castrop. cit. n. 4. citans Tusch. lit. p. concl. 717. n. 8. & scipfund. d. 1. de benef. p. 11. §. ult. Paris. loc. cit. n. 15. (ubi, quod talis tacite resigavit pensioni ex causa cessionis sibi reservata) citans pro hoc Gigas de pension. q. 54. & Rot. in Adjacensi pensionis. 4. Janii 1546. cum enim pensiones succedant loco beneficij, eodem modo vacant ac beneficia. Castrop. loc. cit.

Quæstio 39. An per matrimonium extinguitur quoque dispensatio alias obtenta, & habilitans ad beneficium?

R Espondeo negativè. Garc. p. 11. c. 8. n. 2. ex Sanch. loc. cit. n. 7.

Quæstio